

嘉慶丁丑年新年鑄

天台曹光熙先生鑒定

兒科全生集

秘傳瘡瘡痘疹雜症丸散
膏丹湯飲傳賦歌訣諸備

敬藝堂藏板



北京中醫藥大學圖書館版權所有

序

夫天下之理偏則弊矯偏而過甚則亦弊其中乃得以傳世而不朽此非學道爲醫醫亦莫不然凡醫皆然而痘疹一科爲人以病不一人人不一病而痘疹則以一病而人人且每多發童稚安危判且夕生死變須臾口不能言命懸醫手孰利孰害誰吉誰凶是有賴於術醫者矣願欲術臻其妙必先傳得其真前代劉河間錢仲陽以解毒爲主則偏於寒涼

張潔古王海藏咸宗之而陳文中矯其偏則又
失之過補至朱丹溪又矯陳氏之偏而以錢氏
爲長矯其偏而仍從其偏其所論解毒和中安
表可覆按也他如保赤全書金鏡錄痘科正宗
痘疹心要及會編等書又皆各守一偏之見孰
者熱之寒者寒之雖由時醫不能辨症抑亦真
傳之缺有間也惟有明清江尚恒聶先生以
鄉進士出知福建汀州寧化縣著活幼心法九
卷議論精辨症確用藥當不偏於寒涼亦不偏

於溫補因證施方秘妙獨得真傳在是矣我
朝朱純嘏先生宗之神明變化釐訂痘疹定論
一書今詳其治法必先究病症之根源辨血
氣之虛實次按起漲行漿結痂之先後次第而
大旨則以毒非可解解之反致冰伏惟有扶而
起之宣而達之而已名爲定論誰曰不然而史
氏晉公先生又宗定論而成痘科大全至詳且
悉毫髮無憾作述相承史承之朱朱承之聶其
傳之得其真耶非耶余

先嚴悉心岐黃而尤孜孜於痘疹余素習庭訓
於活幼心法痘疹定論痘科大全三書者日三
復焉而不敢釋間又搜羅新舊諸書厯用應驗
諸方亦取而附之總計數十年來所錄凡七十
有一條名曰痘疹真傳雖管窺蠡測之見而亦
不可謂非全豹而略見一斑者也余不敢掠前
人之美且欲質諸同人爰付梓剞劂倘或有所
折衷庶亦慈幼之一端爾

嘉慶十九年歲次甲戌孟夏天台曹光熙克安書

面部先見報痘方位目錄卷上

痘瘡根源論

種痘論

脈候

調治

發熱耳筋舌苔論

發熱

見點

起脹

貫漿

收靨

落痂

痘後

部位

五善

七惡

五陷



南京中醫藥大學圖書館版權所有

七暈

表虛

表實

裏虛

裏實

虛實

痛

癢

驚搐

閉症

目

吐

瀉

吐瀉

痢

大便秘

小便秘

虛似實



伏陷

浮萍

失血

發泡

發斑

癰毒

潮熱

咬牙寒戰

煩躁

悶痘

夾瘡

痘母試痘賊痘痘癰痘

痘疔

腫脹

發熱

發渴

譫語

咳嗽

喘

唇舌口瘡

咽喉

失聲音

手足冷

汗

飲食

範簧

蛔虫狐惑潰爛

年長男女出痘論

室女孕婦出痘論

芽兒

被凍

避忌

美惡諸痘名

賦

疹

水痘

男從左起



女從右起



面部先見報痘八卦方位訣

乾上放起爲半輕坎宮先出定然凶艮位一出三分痘震宮出現喜欣欣離巽九分險上險坤上逆症實

堪驚惟有兌宮眞爲吉八卦之中要分明

痘瘡根源論

粵稽上古之世未聞痘瘡之說亦無治痘之書蓋秦漢以前天清地寧民淳俗樸虛邪苛毒無由而生及至漢光武年間馬伏波將軍征武陵蠻軍中遂生此疾當日不知是何病症因其尖圓紅潤有似於荳故名之爲痘後此毒氣傳入中國諸家計議調治自發熱三日之後則放標三日起脹三日灌膿三日收靨三日共一十二日而成功此嘗數也然亦有至輕之

痘隨出隨脹隨貫隨壓七日而成功重者或為雜症
所擾綿延多日至十八九日成功即遲數日亦無害
矣人之有生受氣於父成形於母乾道成男坤道成
女在胎之內先有命門元始之初先結右腎明之命
如一小嬰孩即結於此猶混沌未分先有太極命門
臟如膽之繫于肝者然人身之太極也命門居脊骨之前兩腎列於兩旁脂
膜護之為一身之主宰也命門之兩旁是太極生兩
儀也天一生水生腎也地二生火生心也天三生水
生肝也地四生金生肺也天五生土生脾也一二三

五者五行之生數六七八九十者五行之成數也
數五行之發端成數五行之結果蓋胎毒之在命
門猶石中之火原無形跡可擬及時氣流行傳染觸
發是猶堅金擊石火從空出鼻之氣通平肺鼻聞痘
疹之氣則傳於肺金肺金傳腎水腎水傳肝木肝木
傳心火心火傳脾土五日五夜將五臟傳遍痘疹之
時氣自外而達內命門之胎毒從內而發外六日而
微熱七日而大熱矣感痘之氣化而出痘感疹之氣
化而出疹是陰爲痘而陽爲疹也且出痘與疹皆發

熱卽云腰疼命門傷也未可以言吉心法云孕婦飲食清淡者生子出痘多稀少而乎順恣食厚味者生子出痘多稠密而險危則其病源受毒於母似有明驗蓋飲食淡則血氣清而胎毒輕飲食厚則血氣濁而胎毒重受毒輕故出痘少受毒重故出痘多其理易明也有時行重則俱重輕則俱輕又輕重不同源胎毒有輕而無惡所以殺人者天時瘟疫之氣毒傷五臟是也清濁氣流行得清者輕濁者重此一解也固知胎毒本不足以殺人而所以殺人者癘疫之氣

爲之也爲父母者當時行之輕重定趨避之吉凶哉
亦護兒之一善法乎

種痘論

宋仁宗時丞相王旦初生諸子俱苦於痘老年生一
子名素招集諸幼科而告之曰汝等俱明於治痘乎
咸應之曰不敢言明但略知治痘之法耳旦曰能知
卽能明之也每人予各以十金俟小兒出痘其相認
症訂方用藥結痂之後再厚贈酬謝幸毋推諉時有
四川人做京官者聞其求醫治痘乃請見而陳說有



神醫乃女人也年近九十傳說生於江南徐州自初
喫齋念佛長不婚嫁亦不披剃雲遊至四川峨眉
頂蓋茅菴而居焉女人好善者俱皆皈依喫齋念佛
乃言于皈依女人曰近自出痘症收痂可種也揀擇
痘之稀疎尖圓紅潤漿足蒼蠟色且又厚實收其痂
作種春秋二季一月之痂可種若五六月半月二十
日痂亦可種如冬月嚴寒四五十日之痂亦可種蓋
寒則氣聚熱則氣散故時日有不同耳乃取痘痂八
分川貝去心一則則解毒二分於淨磁鐘內以柳木作

一則化痰

分於淨磁鐘內以柳木作

杵研爲細末擇天德月德成開日種之忌人神所在
之日十一日在鼻柱十五日在偏身不可種以銀管長五六寸曲其
頸合孔入得鼻內先着痘痂末於管納於男左女右
之鼻孔吹入至六日而微熱七日必大熱一二日而
必現焉次第長漿回水結痂十可十全百不失一自
是峨眉山之東西南北無不求其種者若丞相與公
郎種之某當雇人卽請神醫亦不難矣敬請神醫到
汴京見王素摩其頂曰此子可種遂法種之已結痂
矣由是且喜極而厚謝焉神醫辭曰我修行人要金